

湖北府縣志輯

中國地方志集成

光緒黃州府志(11)

新學書局

黃州府志卷之二十二上

黃州府知府英 啟纂輯

人物志

忠義上

元

蕪水縣

辟天定宋末盜起里人推爲郡長募義勇保障寇不敢犯元世祖下江南手詔拜爲防守尋擢先鋒使從平定閩廣累遷兩淮防禦都招討至治二年寇至淮力戰卒於軍上遣中使護喪贈總管諡威武錫廕孫徵事明太祖詳宦蹟王志成入宦蹟今依通志移入

黃州府志卷之二十二 忠義上

李清七與弟清八居黎山以義烈名至十一年妖人徐壽輝陷蕪水人多脅從清七兄弟以爲恥避匿不出賊怒大索獲之兄弟歷陳大義堅抗不屈被殺有司嘉其義爲立廟於薛湖東之太公石歲時致祭焉

蕪州

李宗可有志略善禦衆余闕以兄女妻之用爲州判權義兵萬戶統新軍守水砦陳友諒陷安慶宗可橫槊入賊中擊殺甚多聞闕死馳還或勸之降怒曰元帥遇我厚死即背之他日何以相見地下乃盡殺其家屬據牀縱飲至醉自刎

廣濟縣

張大九幼習左氏春秋元末見天下兵起遂隱陳友諒強致欲

官之不可友諒怒刳其足而去

周國鎮有武略徐壽輝踞蕪水遠近皆降國鎮於石龍坡之北合鄉民立周砦以忠義自矢血戰卻賊厭賴以全赴京畿請勤王順帝壯之授汝甯招討使

明

黃岡縣

廖永安字彥敬永忠兄也少倜儻自豪元末江淮兵起聚保鄉里聞太祖駐和州遣人納款太祖大悅元蠻子海牙集樓船塞馬場河安敗之於裕溪尋破鱗魚洲等寨太祖指揮諸將渡江安舉帆前向牛渚拔采石克太平蕪湖俘獲萬計海牙僅以身免張士誠寇瓜埠安乘夜擊之拔常州從常遇春進

黃州府志卷之二十二 忠義上

攻池州斬其帥復攻樅楊及江陰石牌海寇皆有功陞同知樞密院事士誠寇常熟安與戰於福山港大敗之又率舟師擊士誠太湖乘勝深入水淺舟膠爲呂珍所獲降之不可尋卒於姑蘇年四十七喪歸太祖郊迎親爲文祭之賜葬鍾山之陽配享太廟諡武閔封鄖國公以從子昇爲淮安衛指揮

僉事依縣志增入

曾全正統間征橫江戰死子襲指揮子恕詳篤行

方勇字松軒諸生性英敏博學善屬文正德間流賊數犯黃州城門不啓有官軍臨城郡守疑爲賊將然礮擊之勇曰未可若非賊非抗官軍乎察之果官軍也未幾賊大至圍城急勇率鄉勇千人激以忠義誓共官軍滅賊大破之黃州解嚴勇

中國地方志集成

謀略素優凡大疑大計守令皆取決焉卒祀鄉賢子任詳宦蹟

吳璋倜儻負氣爲邑掾嘉靖時議大禮諸臣忤旨譴謫繫瑋曰死忠孝者分也我其爲陳東歐陽澈乎徒步詣闕上書救楊廷和等復力持前議詞甚激切帝怒下錦衣獄杖之越數日太廟災帝問湖廣前日上疏小吏何在守者疑不能容歷死以報帝曰惜哉朕將有以用之也

奚世亮字明仲父樸舉人富陽知縣有清操卒祀鄉賢世亮嘉靖丁未進士授南戶部主事權稅以廉著轉刑部郎中出知思南府左遷高郵州同知先是世亮餉楊繼盛於西市嚴嵩銜之至是削秩四十一年倭犯閩浙乃起廢以爲福建延平

黃州府志

卷之二十二

忠義上

三

府同知時興化缺守倭寇且亟凡委署興象者咸計避以屬世亮世亮曰承平受爵臨變而避非忠也遂捧檄往倭圍興化率士卒登城親冒矢石踰月總兵劉顯遣卒八人齎書城中衣刺天兵二字賊殺之而衣其衣給守者得入夜斬關延賊副使翁時器參將畢高皆縋城走世亮獨格鬪身被數創死賊平乃得遺骸於旗亭事聞贈福建右參議賜祭葬祀鄉賢廕從子繼善授詹事府錄事妻王氏以節旌明史附忠義黃鉞傳康良臣嘉靖閒以掾爲定海尉率義兵與倭戰斬首三十餘級身被重創猶手戈馬上以死事聞廕一子入監

樊玉衡字以齊煒子萬曆癸未進士授廣信推官晉御史時儲位未定光宗爲皇長子年九齡未視學朝臣未敢言衡抗疏

請正元良之位越三年忽傳三王並封之旨衡復疏諫語益激亡何謫判無爲州稍遷全椒知縣二十六年四月玉衡以冊立久稽上言陛下愛貴妃當圖所以善處之今天下無不以冊立之稽歸過貴妃者而陛下又故依違以成其過陛下將何以託貴妃於天下哉由元子而觀則不慈由貴妃而觀則不智無一可者願早定大計冊立冠婚諸典次第舉行使天下以元子之安爲貴妃功豈不並受其福享令名無窮哉疏奏帝及貴妃怒甚旨一日三四擬禍且不測大學士趙志皋等力救言自帝卽位未嘗殺諫臣帝乃焚其疏忍而不發再踰月以憂危竑議連及遂永成雷州全椒人哭送之名其草疏處爲翼日堂居雷州二十四年長子鼎遇伏闕請代者

黃州府志

卷之二十二

忠義上

四

再不許光宗登極季子維城時官海鹽知縣覃恩當封請停封追父罪於是起南京刑部主事以老辭疏陳親賢遠姦十事優詔答之尋命以太常少卿致仕卒於家祀鄉賢子鼎遇詳孝友維甫詳隱逸維城自有傳詳明史列傳

孫大祚萬曆乙酉舉人累官淮安府同知有惠政遷易州知州時稅監王虎以開礦駐橫嶺肆爲民害大祚力與之抗不少屈虎嫌甚尋虎以橫恣激廣昌民變乃誣劾大祚阻撓礦稅坐貶後礦稅罷以楚雄推官起用未任卒贈按察司僉事旌其忠節事詳明史祀鄉賢

韋宗孝字養玉母常臥病咳血孝必以手承之母卒刻木像朝夕奉祀卽道途飲食必先獻然後敢嘗萬曆閒授嵩明州吏

目值武定賊鳳騰霄反犯嵩明出禦而敗被執不屈闔家殉難僅遺一子蜀麟老僕章全自棄其子而匿之缺轂中得免

事聞賜祭葬贈本州同知蜀麟廕入監

明史附忠義蘇夢賜傳

王追皋字直之廷瞻長孫萬歷時三中副榜以任子官郎署轉

貴州安順知府時安邦彥作亂安順道絕皋傾家貲募壯士

以行巡撫王三善聞而壯之且素知其材略可用因委署平

壩兵備副使督兵討安酋十七戰皆捷以勞病三善欲以三

千騎護歸皋曰不忍負國並不忍負知己遂卒於軍子一翦

陳其狀贈太僕卿廕一子入監一翦詳隱逸

易道選字職侯諸生好學尙氣節居深山中積書滿家與艾南

英爲文字交甚篤崇禎八年流賊至道選惜所積書又以己

黃州府志卷之二十二

忠義上

五

所著書多不忍棄遂巡未及行賊逼近長子爲瑚奉母走青

峰巖道遲擗幼子爲堦擔書以行遇賊紿曰余書賈也賊笑

曰汝易職侯何給我道選曰若既知我當聽我一言慎勿殺

人焚廬舍賊曰若身不保尙爲他人言耶道選厲聲叱賊賊

怒殺之爲堦請代賊並殺之未幾爲瑚亦被殺道選爲堦俱

祀鄉賢乾隆四十一年

予祀忠義祠爲瑚詳孝友

明史附忠義馮雲路傳

馮承遇承選崇禎八年遇賊被執賊偉其貌脅之去大罵不從

賊怒俱殺之同時以罵賊死者有蕭繼昇吳衍周吳應周諸

人承遇子雲路自有傳

王一桂字千秋萬歷己酉舉人崇禎九年以戶部主事督餉昌

平

大清兵入喜峰口圍昌平一桂分門協守以南城最要身往扼之

俄西城陷一桂被執死妻姚氏妾邱氏陳氏及子女家眾凡

二十七人投井死僅遺十歲兒與一婢潛土穴中得免事聞

贈太僕少卿賜祭葬廕子乾隆四十一年

賜諡忠烈

明史附忠義王肇坤傳參通志

周之訓字日臺一字無逸啓孫子立身方嚴好學洽聞萬曆癸

丑進士授戶部主事權准關約已通商旋督學八閩校閱皆

出一手累遷浙江按察使坐事罷起山東參議備兵萊海以

繕城功增級資金移濟南分巡副使崇禎十一年冬十二月

大清兵自畿輔南下是時巡撫顏繼祖移鎮德州濟南空虛止鄉

黃州府志卷之二十二

忠義上

六

兵五百萊州援兵七百勢弱不能支而督師中官大將皆擁

重兵觀望不救之訓與右布政使張秉文等分門守晦日糧

盡兵民思潰諸官集計事之訓拔劍曰今日之事與諸公守

此土死北面拜哭遂乘城二日城破秉文戰死之訓死於南

城上閭門皆死之弟之記伏闕疏陳贈光祿卿諡忠烈賜祭

葬建專祠並祀鄉賢廣濟劉醕驥爲之傳乾隆四十一年

賜諡節愍

明史附忠義張秉文傳參通志

方應星字文卿崇禎丙子武舉巡撫宋一鶴擢爲都司投兵三

百防守遠安闖賊據襄陽招之不從遣賊將合數萬騎攻城

三日不能下叛卒開門應之應星被執不跪誘以僞職大罵

死之

王志注按通志載武昌武舉查舊志利甲內係黃岡縣人今收入

周啓元字善長父有爲甯國知縣啓元年十二侍父病晝夜不輟父卒哭幾絕歸次蕪湖舟覆啓元抱櫬浮水出乃歸葬天啓丁卯舉於鄉官高苑知縣兼攝樂安臨胸崇禎十五年大清兵東下破高苑啓元朝衣握三縣印坐堂上不屈死事聞贈

按察司僉事啓子入監乾隆四十一年

賜諡節愍明史附忠義邢國璽傳

程之奇通志崇禎歲貢生官荆門州訓導十五年十二月闖賊寇州之奇與學正張效方盟諸生於明倫堂佐知州盧學古守城賊環攻四日援絕城陷不屈死乾隆四十一年

予祀忠義祠明史附忠義盧學古傳

王家錄字愧修天啓辛酉舉人官刑部郎有請恤刑熱審諸疏

黃州府志卷之二十二忠義上

改戶部員外郎督餉榆林李自成方據西安遣將陷延安殺德將及榆林時家錄擢關南兵備僉事未行日撫軍方罷總兵官已遁吾不可去當守此土崇禎十六年十一月賊攻榆林家錄助兵備副使都任督軍民固守二十餘日賊礮如雨城無完堞家錄令軍士乘城婦女運水灌其堞冰結數寸賊不能上乃謀穴地入家錄以火藥灌燒之賊死無算勢稍卻旋合甯夏諸賊來攻援絕城陷都任死之家錄引佩刀自刎遇救甯夏諸賊血書忠義二字復自縊死屍六日不僵賊見之皆下拜事聞贈光祿少卿賜祭葬啓子乾隆四十一年

賜諡節愍明史附忠義都任傳

奚鼎鉉字仲雪崇禎己卯舉人下江防道許文岐守蘄州引與

俱十六年獻賊陷蘄與文岐同被執文岐密謂鉉曰賊老營多鳥合餘皆被掠良民若告以大義同心協力賊可殲也於是陰相結期四月起事以柳圈爲信謀洩同被害乾隆四十一年

予祀忠義祠勝朝殉節諸臣錄

案明史云文岐見殺鼎鉉以計遁與此小異

樊維城字紫蓋一字允宗玉衡季子萬曆己未進士除海鹽知縣以清能稱遷禮部主事天啓七年坐事謫上林苑典簿莊烈帝卽位抗疏請誅魏忠賢且言高皇帝定律人臣非有大功朦朧奏請封爵者所司及受封之人俱斬今魏良卿良棟鵬翼白丁乳臭兒並叨封爵皆當按律誅忠賢所積財半盜

黃州府志卷之二十二忠義上

內帑籍還太府可裕九邊數歲之餉因請褻恤楊連萬燦等十四人召還賀逢聖文震孟孫必顯等三十二人亟正張體乾許顯純楊寰等罪其月又言崔呈秀雖死宜剖棺戮屍五虎五彪之徒乃或賜馳驛或僅令還鄉何以服人心昭國典末斥吏科陳爾翼請緝東林遺孽之非乞釋御史方震孺罪帝並採納之崇禎元年遷戶部主事進員外郎歷泉州知府福建副使八年罷歸十六年春獻賊圍黃州維城率眾拒之三月二十四日城陷抗聲罵賊受刃洞胸死從子諸生齊華殉之乾隆四十一年

賜諡烈愍明史附樊玉衡傳

郭以重世爲黃州衛指揮崇禎十六年間獻賊陷城自他所來

赴難妻李氏止之以重曰朝廷昇我十三葉金紫不能易一死耶吾將先殺汝矣行遇賊脅之去不從賊露刃逼之乃好謂賊曰從汝誠易但抱小兒者吾妻也汝爲我殺之吾無累矣賊如其言以重即奪賊刀殺一賊羣賊繼至遂赴水死乾隆四十一年

賜諡烈愍詳明史忠義傳

曹士謨字獻虞十歲就童子試府縣皆首拔督學鄒愚谷訝之曰異才也仍以冠軍既長學益富知縣茅瑞徵延與呂元音同修邑志天啓初歲貢除隨州學正教士有法尋告歸值獻賊寇黃州與樊維城倡義固守城陷死之乾隆四十一年

子祀忠義祠

黃州府志卷之二十二 忠義上

九

李士奇世襲黃州衛指揮陞郎襄行都司尋致仕歸崇禎十六年獻賊破黃州率家眾挾弓矢奮身禦之矢盡被執罵賊死王子堅通志作子見武舉明季寇警與力士徐季貞通志姓余學正曹士謨守城衝鋒破敵殺賊無算城陷猶奮力巷戰賊眾散矛刺之被執齊聲罵賊賊怒且妒其勇皆磔之乾隆四十一年俱

子祀忠義祠勝朝列節諸臣錄

馬士英字子才幼尚氣節崇禎間流賊肆掠英團練鄉勇阻潭水立寨保聚十餘年巡撫宋一鶴親臨獎慰題加游擊銜崇禎十六年三月獻賊犯境時斬弁夏大武黃推官許士奇降賊素與士英契招引再三士英峻拒之曰吾終不負宋公與賊戰力盡死親丁殉者五十一人總鎮毛顯文躬弔祭焉

吳思溫字揚休萬曆甲午舉人通志作江夏人官廣西布政使告歸寓武昌崇禎十六年獻賊薄城率兵守保安門抗節而死革席裹屍數月不變妾田氏子江英諸生子婦游氏及兩女俱投井死

馮雲路字漸卿諸生年三十棄舉子業從賀逢聖講學遂寓居武昌著書數百卷巡按御史林鳴球疏薦其賢並上所著書不用崇禎十六年獻賊將渡江雲路貽書逢聖曰在內以甯湖爲止水在外以漢江爲汨羅甯湖雲路講經處也城陷乘桴入甯湖賊至持令招安同里有朱生者勸暫屈勿死雲路答曰我生平惟讀忠孝書未讀降賊書也遂懷所著藏易投湖死子永明諸生痛父之死哀毀幾絕終身不入城市乾隆四十一年

黃州府志卷之二十二 忠義上

十

子祀忠義祠詳明史忠義傳參通志

案雲路初隱居江南九峯山中杜門絕與縛草爲亭題曰待與亭巡撫宋一鶴兵備道張秉貞許文岐三顧請教不得見御史林銘球造其廬請曰君儻稅駕棘闕若輩得以榜頭副皇上求賢之典雖私亦公也雲路謝曰是何言哉路敢以一人之伸作國家亦公之偏乎制科取士堂曰至公未聞亦公也林益歎服宋日清馮微君傳熊霄字渭公諸生與馮雲路同寓武昌喜邵子星極書頗言未來事崇禎十六年元日盡以所著書付弟雲霽以歸曰善藏之城破前一日貽書雲路言明日當覓我某樹下及期行樹

旁賊追至躍入荷池以死著有性理格言春秋主左十三經注疏評略大易參立齋古今文及圖書懸象諸書乾隆四十年

一年

子祀忠義祠明史附忠義
馮雲路傳

汪陞延一名三奇字亦常諸生貌古心樸從馮雲路遊嘗著五經成崇禎十六年寓武昌獻賊至與雲路分門守禦城陷陞延呼曰我黃岡汪陞延殺賊者也賊執之以刃脅降不屈謂其子邵孫曰我生平力學在今日汝有母勿死也賊投之湖湖水及肩陞延坐而死賊去始斂貌如生乾隆四十一年

子祀忠義祠明史附忠義
馮雲路傳

操志述字振翼獻賊攻武昌城內糧盡述數見禮於楚王亟請

黃州府志卷之二十二 忠義上 十一

發帑以犒守卒不聽城破赴難長子日元請從許之次子暄亦往止之曰宗祀不可絕遂同日元赴水死

史子見諸生尙氣節里有毛主伯爲獻賊僞總兵至辛家衝搜括富室招納亡命子見憤甚殺主伯獻賊怒下令三日不獲子見屠其鄉子見挺身往賊磔之皮肉都盡骨猶屹立不仆乃鎖其頸於彰孝坊夜分鎖脫骨走臨湖寺次日賊大索獲之復刃其首至今鄉人以爲神立廟祀之乾隆四十一年

子祀忠義祠參通志

戴瑾字可懷諸生膂力絕人明末聚義勇守馬鞍山獻賊至瑾伏狹路邀之殺賊千餘人射獻賊中肩賊訝其勇欲生致之圍數重瑾登樓飛瓦擲賊賊不得上乃積薪焚之瑾及子孫

并義勇三百七十人俱燼乾隆四十一年

子祀忠義祠一統志

王躬靖諸生弱冠尙氣節善射流賊之亂保障山砦每戰輒勝賊聞其名招之不從後困於迴龍山罵賊不屈死

於斯行字爾烈倫子崇禎癸酉舉人流賊破團風鎮被執不屈死同時曹大震字子旦諸生孝子大聲弟也亦以罵賊死乾隆四十一年俱

子祀忠義祠

樊維章字闇生諸生英果有智略明季羣盜起率子弟練鄉勇立砦桃花洞賊不敢犯及獻賊陷黃守愈力賊晝夜攻破之章被執勸降不屈死弟諸生維默維清亦罵賊死清死時血

黃州府志卷之二十二 忠義上 十二

高丈餘濺賊面獸首在地猶僵行手斃人乃仆閭門死者百餘人

鄧雲程字扶風諸生父士駿以孝友稱雲程性倜儻流寇逼黃守令召雲程計事曰生聚教訓此時已無及惟有不肯一軀可當餓虎之蹊耳持一鐵鞭重四十斤長五尺許縋城而下獨當賊衝三晝夜賊不至乃還闔城陷京城北望號泣嘔血數升忽忽狂走卒於河南商城子之愈以輓歸同里杜潛爲

選鄧子哀辭案杜潛哀辭云卒於洛南之橫鄉侯家

朱寵黃州衛千戶崇禎十六年奉憲司王瓚檄赴上游禦流寇三月獻賊破黃州五月武昌陷寵隨憲司兵東下聯義兵復黃州城次年聞國變仰藥死

但銑由歲貢選授某邑訓導值流寇亂未赴會聞都城失守思陵殉社稷奮然曰銑校官也所以訓導諸生者何事豈以未食其祿而不同其難耶遂絕吭死

方堯相字紹虞崇禎歲貢生官成都同知十七年獻賊寇成都堯相從巡撫龍文光守城監紀軍事兵食絕請濟於蜀王不應泣投於池以救免城陷被執不屈遂殺於萬里橋下其絕命詞云時危節見古今同取義成仁且盡忠江水茫茫願借身此身飄蕩赴國風乾隆四十一年

賜諡節愍

明史附忠義張繼孟傳

蔡馨明字克薦天啟丁卯舉人官眉州知州流寇至守禦力竭題詩大雅堂云澄清板蕩是男兒大廈難將一木支父子酬

黃州府志

卷之二十二

忠義上

十三

恩思主德全家殉難想天知芙蓉城陷誰階禍大雅堂空獨臥屍萬里黃岡魂莫往好爲明聖護峨眉遂闔門殉難乾隆四十一年

子祀忠義祠

見湖北詩錄

余士璋字季美制行端方尺寸不苟崇禎丁丑進士任九江府推官左良玉兵叛士璋仗義入其營罵賊賊斷其左臂父老泣扶之出越十日卒於廬山乾隆四十一年

賜諡節愍

見一統志九江府志

於斯昌字文言崇禎己卯舉人獻賊寇黃聞其名索之敝衣草笠走免後以督師萬元吉薦授兵部主事唐王時佐元吉守贛州城破被執不屈死乾隆四十一年

賜諡烈愍

勝朝殉節諸臣錄

靳水縣

王聰性謹畏有膂力建文時以燕山中護衛百戶從靖難兵取薊州攻遵化御涿州轉戰桂平滑口破南軍獲馬千五百次

江上略南軍舟濟師累功封武城侯後從邱福北征本雅失里戰死贈漳國公諡武毅祀鄉賢

呂鏞宣德丙午舉人任宣陽知縣有政績調清流縣流寇鄧茂七至清流邑無城郭鏞拒之力不能支具服端坐庭中抗聲

罵賊遂被支解清流人立廟祀之並祀鄉賢

鄧祖禹字文元萬厯己未武進士授遊擊屢立戰功征辰沅苗擒賊酋飛天王張五保斬首千五百級夷其巢陞副總兵崇

黃州府志

卷之二十二

忠義上

十四

順開流賊入楚移鎮德安數與賊遇多斬賊功復移孝感會應城急檄祖禹往援孝感士人泣留曰兵一動城不保矣祖禹不得已留兵一半守孝感率七百人入應城賊突至圍之數重血戰自辰至酉爲賊所執欲降之禹曰須換卻心肝乃可賊怒剜肉剖心而死賊退子天源天河覓屍歸應城人祀之並祀鄉賢乾隆四十一年

賜諡忠烈

明史附忠義張紹登傳

李師淵崇禎戊辰武進士累任陝西固原遊擊七年夏賊來犯擊卻之閏八月朔賊陷龍德師淵隨參政陸夢龍禦之賊腐至突圍不得出師淵夢龍大呼奮擊俱戰死程爲常徐玉蘭蔡巨人胡方壺徐用極俱武舉崇禎十年春流

寇至邑令募壯丁五百八十人守城以五人主五營三月與賊力戰死邑令立五義祠祀之乾隆四十一年俱

予祀忠義祠

程正秩字維明力勇善射萬曆癸卯戊午兩科武舉授邑營官

督本府團練崇禎十六年三月流寇逼城力戰死

程九萬字翼雲天啓恩貢生任興安州知州崇禎十三年以事

謫池州府知事尋署東流知縣順治二年四月左良玉叛將

楊么兒破東流九萬死之妻汪氏弟九鼎九觀殉焉江南通志

義僕附

王九兒州判王悅民僕負擔隨主與流賊遇賊探其擔得金問

主人何在不言加之刃無懼色乘間肘悅民使去賊先剗其

黃州府志卷之二十二 忠義上 十五

目次斷其手每一揮刀問主何在終不肯言

王子兒諸生王三慎僕各被賊刺數槍兩無生理三慎欲自投

水中子兒力止之裹創負三慎從亂尸堆中走七十里竟抵

家親串聚觀皆泣下

安子官氏家僮負盾守城被執不屈死後得尸見臂間鐫有大

憾流賊四字

添賜廩生李添植僕寇執添植賜願以身代遂被殺

麻城縣

張勝天順六年任零都尉長河峒賊竊發勝率民陳世用等禦

之賊圍急援兵不至死於陣江南通志

熊嗣先字懷恒修儀博學萬曆丁酉舉人授南充知縣循聲卓

著陞敘州同知以督兵死奢賊之難贈秩廕一子黃州衛百

戶後祀南充名宦祠一統志

周應泰字子登宏禎子任甯羌州知州崇禎十年流寇圍甯羌

應泰堅守數月城陷被執不屈與次子諸生藥同遇害乾隆

四十一年

賜諡節愍陝西通志

彭有謨初名謨少貧困從戎累立戰功崇禎四年以援登萊功

授副總兵賜名有謨登萊人生祀之後里居率眾禦流寇眾

寡不敵力戰死

魯元孫諸生獻賊擾楚與兄諸生振公弟諸生聖叔糾眾守雲

霧山岩糧盡垂破元孫以兄大宗義不可死促之逃須臾岩

黃州府志卷之二十二 忠義上 十六

破被執賊愛其材欲生降之元孫大罵曰吾家世忠義豈從

鼠賊耶賊擁至陶家鋪復罵曰欲殺便殺何相逼為遂與家

人數十俱被害

周之茂字松如崇禎甲戌進士歷官工部郎中以服闋需次都

下闖賊陷城搜得之迫使跪不屈折其臂而死乾隆四十一年

年

賜諡烈愍明史附金鉉傳

周世岐字文生任北直隸甯衛守備賊至戰死遂葬甯衛蔡家

塘

黃安縣

阮貴卿性英烈明太祖起兵時從行開展立戰功及與陳友諒

戰鄱陽貴卿奮臂衝鋒被賊破碎其首死太祖詔鑄銅頭葬之

彭應選字克符萬應癸卯副榜旋膺選拔任靜甯知州闖賊擁眾十餘萬圍城應選登陴擊柝親冒矢石十閱月糧匱外援不至賊射書入城云獻彭某圍立解否則城必屠應選告士民曰余死守孤城凡以爲百姓耳與其城破而玉碎曷若吏死而城存耶眾皆哭願死守應選姑應之凌晨朝服北面再拜畢獨縋城直入賊陣大呼曰我靜甯知州也速殺我救一城之命賊壯而釋之竟解圍去

胡伯少有大志好騎射天啓甲子武舉後賊氛漸逼伯度形勢設木柵以守險賊才之招以書不往崇禎八年秋賊眾突至

黃州府志

卷之二十二

忠義上

十七

環攻必欲得伯而後已伯慨然曰豈以吾一人故累眾人耶苟吾死而圍解死亦何恨語賊曰我卽出可解此圍賊許之遂單騎赴賊營圍解卒自刎死

吳士旨性友愛事孀嫂撫諸孤姪悉盡道歲歉出粟賑饑鄉里多所全活明末寇亂率勇堵禦與妻秦氏俱以罵賊死

吳光寅字念鵬諸生高才磊落爲提學董其昌葛寅亮所賞時行保舉法以何閔中薦授范縣知縣多善政踰年被劾罷方候代賊至光寅督戰罵賊死閔中子昌祚爲文哭之

吳國宇字祁陽諸生博學敦實行崇禎時闖賊橫掠國宇同子諸生士愷團練鄉勇有捍禦功後率老幼保風水山砦因汲道絕內潰國宇士愷以罵賊死孫諸生之龍之璋之玟皆被

殺妻韓氏妾沈氏亦死里人思國宇功祠祀之私謚士愷曰孝勇國宇並祀鄉賢

秦自輝字景行慷慨有大節崇禎十五年賊襲黃安輝奉知縣李元玉設壇誓眾力捍疆圉築三角山砦十六年省城陷賊將擁兵逼砦砦潰被執抗罵不屈死

盧希儲號蓮峰崇禎癸酉舉人奉其父諸生昌逃難山砦流寇掠而執之曰出金卽活汝儲罵曰恨不殺汝以報朝廷豈反向賊求活耶遂遇害父昌罵賊益厲亦死兄希聖弟希同相繼罵賊死

熊夢祥事父以孝聞賊掠縣境夢祥倡義堵禦賊銜之蜂擁至三角山按姓索夢祥急夢祥與妻張氏訣曰吾當爲國死汝

黃州府志

卷之二十二

忠義上

十八

盡行乎氏以死自誓俱爲賊執賊惜夢祥勇略欲生之夢祥罵不絕口身被百創死張氏益奮罵賊縛氏足而馳道經古堰氏奮躍入水馬逸不得墮賊拔刀斷其雙足推溺之堰水盡赤

王祚昌字竿南諸生明末賊氛四起各立山砦以自固眾推昌爲峇長力捍強寇會圍久糧絕不能守昌啓砦突圍率眾當先血戰死

王國甯字萬成崇禎己卯副榜試北雍第一授彭縣知縣賊至國甯冒矢石登陴固守久之兵盡糧絕城陷死之

盧爾惇字以崇堯臣子少負才名崇禎末舉賢良方正授巴州知州獻賊入川至城下爾惇發礮中獻忠幾斃賊復合眾來

攻城陷巷戰身中百創死祀鄉賢子繩慈詳宦蹟純慈詳孝友

程之渡字輩如諸生父繼善官安慶時楚帥左良玉子夢庚叛沿江下之渡聞之亟往省父而父已掛冠月餘貧不能歸遂留皖未數日夢庚兵江上執之渡曰汝父爲朝廷鎮帥不能出力報效乃自相殘殺乎罵不絕口遂被害

羅田縣

劉廣洪武中以軍功爲指揮僉事守永平有膽略善用雙刀邊騎突入廣率四十餘騎過於城北力戰死之事聞遣使護喪至金陵賜楮幣葬紫金山祀鄉賢

張正福勇敢善戰正德六年流寇趙瘋子掠黃州正福與弟正

黃州府志

卷之二十二

忠義上

十九

顯姪友舜友珠應知府胡定募攻賊壘賊首八卒以深入受困正福死於陣弟姪俱戰死胡定撰文祭之

崔爾達崇禎時任陝西西安指揮適闖賊寇西安達登陴拒戰

參將王根子內應城陷全家遇害

載明紀略

胡效素諸生崇禎十二年流賊竄縣境江家埠知縣白乃忠命

效素率勇禦之失利被執賊知乃忠有貂眉花馬擁效素至

城下遙語守陴兵與我馬即釋效素大罵曰死便死耳馬不可得也賊殺之

余彌綸崇禎己卯舉人授浙江仁和教諭告歸流賊寇羅田綸

櫻城守禦城陷死之時光祿寺丞蕭斯和亦以城破不屈死

周文華膽略過人流寇千餘竄白馬塢華率眾拒之手長刀殺

賊十八人自辰至午不少卻卒以眾寡不敵被執不屈死

王邦衡字義默廩生崇禎十六年爲流寇所執子鯉字翰伯亦廩生聞父被執奔賊所願代父受戮賊並執之均以罵賊死

乾隆四十一年

予祀忠義

祠勝朝殉節諸臣錄

葉欽明弟暹明俱諸生其父常舉率眾築堡於大羅山賊屢攻不克適欽明暹明運糧入堡賊偵知於中途攔截執之俱抗節不屈遂禁錮其地土臺中越日以火焚死

郭良甲諸生性孝友同鄉人立砦高鵬山賊圍之鄉人知力不敵涕泣待死甲曰勿怖吾能掉三寸舌走之遂單騎入賊壘賊首曰汝來何爲甲曰乞數千人性命耳首曰以糧畜來有

黃州府志

卷之二十二

忠義上

二十

汝甲曰砦中人掘草根剝樹皮食已數日矣安有此首曰汝不怕死耶甲曰某怕死某不來矣言訖引頸受刃賊義之竟解圍去子聯第歲貢生事繼母以孝稱

王燭字安定天啟丁卯舉人累官河南監軍道告歸崇禎八年

流賊陷羅田知縣白乃忠至倡議築城燭助之城成保全甚眾甲申之變盡室南遷道遇賊率家丁與戰不勝死之妻汪

氏殉焉

方應尊字省叔廩生沈毅嗜學嘗構讀書臺於宅旁崇禎十七年賊陷京師尊聞變踰登臺望燕雲痛哭閉門面北危坐不食而卒妻胡氏殉焉

陳守芬儒士平居教子弟以節義每云儒者讀聖賢書當識忠

孝事一旦臨大節毋苟且偷生以貽後世譏隱居不仕時與杜茶村相往來後聞闖賊陷京城絕粒不食卒

蕪州

操桂字丹精洪武四年從柳良正軍攻取所向有功授忠信校尉十六年赴遼陽偵達侵境桂領本衛騎兵迎敵乘勝深入會敵救至轉戰陣亡義犬銜其首蹴沙瘞之歸嚙健兒衣若有所欲往從至瘞所出之面如生函歸飾衣冠以葬事聞命御史趙傑致祭贈宣武將軍廕其家襲衛職崇禎十七年裔孫承勳殉難都下

陳相中所百戶趨捷敢戰正德九年由廣西調雷州從官軍守陽春鳳凰砦時陽春山賊猖獗乘夜來攻相督兵拒之兵潰

黃州府志

卷之二十二

忠義上

二十一

挺身力戰殺賊數卒被害

廣東志

田金浦字麗水萬曆十六年黃梅劉少溪倡亂金浦聚義勇捍衛鄉閭知州徐希明上其功使防禦本境會賊聲言攻城金浦與州判陳策選勁騎迎擊斬首數十賊奔潰金浦暫憩叢竹間賊忽大至奮臂殺賊力竭而死事聞贈總兵子宗演冒刃負屍歸鄉人建烈士廟祀焉

陳顯元字長卿崇禎時以副榜授新安知縣惡衣糲食徒步問民閒疾苦以城堞傾頽不利禦寇率士民入保閭門砦賊檄降立碎其檄及來犯死守月餘力竭而陷見賊怒罵賊恣殺砦中人顯元叱曰守砦者我也百姓何事甯殺我賊怒支解死無子其甥浦某以櫬歸葬事聞贈僉事新安人立廟祀之

乾隆四十一年

賜諡忠烈

明史附忠義劉應傳

張效方字正甫崇禎歲貢生官荆門州學正闖賊寇州效方盟諸生於明倫堂助城守城陷死之乾隆四十一年

予祀忠義祠

明史附忠義盧學古傳名作效芳

李新宇即巖萬曆戊午舉人官潛山知縣歷戶部主事權臨清關舊有舟車二稅奏免車稅以便商遷陝西僉事以親老乞養歸崇禎十六年獻賊屠蕪闔家被執新父諸生于節爭先罵賊引頸受刃賊脇新跪新罵曰我昔官秦中爾輩方爲斷養今日肯屈膝廝養耶賊怒新抱父屍罵不絕口賊憐割之其母楊氏及弟綺子承襲承弓同殉焉新祀鄉賢乾隆四十年黃州府志

卷之二十二

忠義上

二十一

一年

賜諡忠烈

明史附忠義許文岐傳

張邦翼字君弼萬曆戊戌進士由臨海知縣遷南戶部主事督學廣東最得士刻有嶺南文獻錄行海內移浙江驛傳道請免里解以蘇民困監軍四川平安世咱諸蠻歷江西右布政以老乞歸獻賊陷城不屈死之祀鄉賢乾隆四十一年

賜諡節愍

子效葵詳宦蹟

參通志

李樹初字客天時珍孫萬曆己未進士任戶部主事晉郎中督宣大餉時太監王坤節制宣大巡按道進見猥由角門入樹初稱疾不往將中傷之適璫敗得免後以山西副使致政家居會流寇猖獗罄家貲築磐石符乾二險斬人賴之崇禎十

六年獻賊陷城被執不屈死長子延慶貢生孫之蘋之藻廩生同遇害次子具慶陳狀允祀鄉賢乾隆四十一年

賜諡節愍具慶詳隱逸

參通志

案樹初致仕後扁舟湖上自課詩文有穎餘情緒數十卷及城破與家人訣曰我雖在籍自當盡節爾輩讀聖賢書死生有命亦不可屈於賊也故一門爭從死焉

州志

李挺字長甫際春子天啓壬戌進士初任博野知縣申堡制嚴保甲調真定時魏瑞壯佃爲民害徑繩以法累官兵部郎備兵遵化值歲荒民無宿儲僵仆滿道官兵或竊殺以冒功挺嚴妄殺之罪給錢煮粥並給印票護之活難民五千餘人崇禎十六年春獻賊至斯時挺致仕家居條守禦二十四事

黃州府志卷之二十二

忠義上

二十三

議未決城遂破被執不屈死事聞賜祭葬祀鄉賢子本裕本仁俱以學行知名本晟詳宦蹟本甲詳孝友乾隆四十一年

賜諡節愍

參通志

饒京字黃山天啓壬戌進士巡按蘇松諸郡再巡淮揚甚著風裁大姦蟠固不可動者悉按誅之遠近肅然崇禎十六年獻賊陷城殉難祀鄉賢乾隆四十一年

賜諡節愍

參通志

岳璧字連城斯州衛指揮獻賊破斯壁自屋墮地不死賊擁至城上脅之降璧怒曰我世臣也城亡與亡豈汝降哉賊怒刺之仆地氣將絕瞋目視賊曰我爲鬼亦能殺汝時大雪血流赤丈餘目皆不合後祀鄉賢乾隆四十一年

賜諡烈愍

明史附忠義郭以重傳參通志

董一化字南鯤以歲貢除仁化知縣鄉民有冤當事不能決立爲剖釋改知印江縣其地近苗捐俸脩城以備不虞致仕歸獻賊陷城不屈死祀鄉賢乾隆四十一年

賜諡節愍

參通志

盧如鼎字呂侯廩生潛心好學性篤孝友崇禎十六年賊至鼎率義勇守南城城陷遇害子姪從死者九人鼎祀鄉賢乾隆四十一年

予祀忠義祠子絃詳儒林

參通志

李化龍字如雲孫仍字雲孫俱諸生崇禎十六年獻賊破斯以不屈同死督學部列狀以請詔入祀鄉賢祠乾隆四十一年

黃州府志卷之二十二

忠義上

二十四

俱

予祀忠義祠

蕭霽字東曙年七齡州府道試皆第一次年歲試亦第一食廩餽時稱神童崇禎十六年獻賊破斯時年二十四賊見其穎秀欲留以爲佐霽曰我家世受國恩豈仕汝耶賊怒斲之霽才與顧景星齊名惜著作散佚

陳正字剛中諸生幼穎異爲文雄奇英邁巡按宋某觀風拔其卷冠九屬與同郡張子都齊名獻賊陷城欲降之正罵不絕口觸石死

顧天祚字修也諸生性耿介篤氣誼教授里塾每出館穀以周飢寒流寇陷斯天祚不屈觸石死著有後松園人物博觀等

集子咸泰詳宦蹟

張效鍾字期伯以廩貢入太學有聲獻賊陷斬執鍾使跪鍾曰
吾家世忠良豈從賊耶罵不絕口賊梃殺之子諸生承馮同
死諸生黃正中字君位亦以城破不屈死

胡其志字存雅監生夙負氣節遇事伉直敢言崇禎十六年遇
賊於蘇家山全家被劫其志曰釋我妻子奉母歸吾願荷戈
賊許之行至五里墩獻計母可免乃大罵賊賊殺之妻張氏
以節終

貢其志天啓甲子舉人官屏山知縣廉明有政聲解組歸里寓
省城崇禎十六年獻賊圍城陷闔門自焚死乾隆四十一年

黃州府志卷之二十二 忠義上

二十五

賜諡節愍入祀省垣鄉賢祠

陳其效字無功爲州諸生有聲明季賊至避亂於牌石地方慷慨
悲歌坐水中而死

廣濟縣

胡海字伯川宣德中以貢任安南夏華知縣黎利反死之

向雲字從龍善騎射以武舉任興國營千總治軍有法正德初
江西羣盜起無敢逼興國者六年春南嶺巡撫周南分兵三路
進勦雲前驅破賊巢斬賊無算尋中流矢卒於軍長子國祥
赴難死

程紹川萬曆初劉少溪作亂川率敢死士擊之陷陣歿時稱烈士焉

劉玉鑾四川忠州吏目萬曆二十八年播州楊應龍率數萬人

五道並出攻龍泉司玉鑾率家奴吏役挺身拒敵死之

游之雲字飛卿以恩貢任德州判崇禎時遷陝西苑馬監正流
寇圍城雲登陴拒守不食七日城陷死之乾隆四十一年

予祀忠義祠

胡士定字振常應中子少從瞿九思遊博記多通由選貢授潁
州衛經歷署潁州事值獻賊肆掠士定集民兵城守每出戰
殺賊賊憤甚圍攻益力城潰賊執士定挾之降士定大罵不
絕聲賊抽刀連斫中其腦及肢體撲牆下賊謂已死捨去家
人俱沒於賊賸老蒼頭從積屍中尋掖灌以湯藥得甦事聞
朝廷旌其忠節擢知潁州以創甚給假歸里築吼江樓杜門

黃州府志卷之二十二 忠義上

二十六

著述以終乾隆四十一年

予祀忠義祠子玉成諸生流寇掠鄉村被執不屈罵賊死

案通志以士定罵賊死入忠義傳王志據金德嘉胡經歷
傳改入文苑縣志據胡氏家傳移入忠烈茲仍從通志

吳國璋號隱華萬曆時任神機營中軍兄亮嗣遷兵科遂告歸
崇禎時歲荒出所藏穀數千石減價平糶活人甚眾後避賊
觀音岩被執罵賊死時有胡之鰥立若羊頭名亦以岩破死
孫光宸諸生流寇盤踞其鄉執宸爲鄉導宸計免鄉人於難給
之曰某地有金帛可掠也導賊出境及至毫無蓋藏賊怒殺
宸鄉人德之葬而祠焉

舒益生字民裕其志孫幼尚奇節流寇至黃梅益生率死士四

人偵於石隴賊驚疑未卽至乃疾馳歸呼邑人遠避賊至居民數萬以預避得不死獻賊遣人持衣帛召益生手刃召者遯山谷間乏食採野蔬自給凡三閱月後以高隱卒祀鄉賢于逢吉峻吉遂吉俱有學行詳文苑

梁重其諸生崇禎時與弟之遴集眾保大符山砦十五年獻賊自黃梅猝至一時十餘砦俱降大符獨守殺賊目百餘人賊怒力攻破之重其被支解眾俱屠

張楚勳字撫謙事父孝崇禎十六年與妻吳氏及三幼子俱被賊繫罵不絕口賊怒殺之屍骸悉遭燬滅先是長子開熙字功人諸生素以忠孝自勵遭流賊亂罵賊不屈觸石死至是閩門皆殉惟次子簡熙得脫開熙乾隆四十一年

黃州府志卷之二十二 忠義上

二十七

予祀忠義祠

張旦熙字象明崇禎時率鄉人堅壁守大佛山獻賊攻破之旦熙被執不屈全家殉焉時有方大美諸生獻賊招之不屈死張光環字君通年十六補諸生明季流寇肆虐光環年八十餘率眾保集四望山賊莫敢近一日賊故引眾去砦中咸喜欲歸視其家光環曰此給我也皆不聽環亦不能獨留徐行至深溪邊賊數十騎忽擁至縛環招降環厲聲曰吾肯爲鼠輩辱乎遂赴水死三日顏色如生

陸嗣先字孟思天才豪邁喜爲詩劉養微極賞之又與吳亮嗣爲文字交獻賊破黃梅胡篤生主燕子砦嗣先主萬安砦約誓甚嚴賊至環攻其砦破之執嗣先授以僞官不屈墜馬死

子廷文亦被殺饒嘉軌編次其詩

吳敏師字炯可亮嗣子由恩貢任確山知縣解組歸時邑治經獻賊焚燬令移治中洲胥役結黨殺掠敏師以計定其亂遂聯絡斬黃四十八砦與方國安諸軍攻獻賊於金沙洲奪舟百餘進攻武昌復其城事聞行取太僕寺正卿尋以追賊卒於湘中子兆崙諸生恩父憂鬱卒

夏文緒字爾開負膽略崇禎時以軍功任四川總部獻賊入蜀文緒陣歿僕隸死散略盡妻董氏夜行晝伏子身歸

黃梅縣

張訓洪武歲貢生官鴻臚寺序班告養歸聞建文遇難拜辭其父士英曰忠孝難兩全矣乃正衣冠北面拜投井死子孫環

黃州府志卷之二十二 忠義上

二十八

井而居至今稱忠井云

一統志

沙瑞字鳳翔成化歲貢生事親孝任甯府紀善宸濠反覬瑞從事瑞泣曰大王謀卽倖成千秋後且稱叛逆矧事未可知何必首亂以憂太后乎宸濠恚曰若不從且死瑞頓首流血曰甯死耳豈可失臣節囚之瑞痛哭自經死祀鄉賢

參通志

周乃武初爲諸生試棘園不利遂赴武科聯捷進士授甯波遊擊禦倭屢立戰功後爲倭襲勒降不屈罵賊死

石有恒字伯常崑玉子性高潔以文章名萬厯己未進士初授遂安知縣下車時以避勢邀利長禍三事自誓以程朱正學課士訓民輸運不任里甲有羨緡公儲之充運費督僮僕種園蔬不用民一物士紳餽遺辭不受歲災親履荒瘠地問民

疾苦監司檄郡縣遏糴抗議力爭出帑金市粟民賴以濟調
長興縣再調常熟長興民籲請得留時巨豪某則山吳野樵
等結島寇爲亂剽掠無虛日撫按檄有恆討之有恆設方略
擒其魁賊稍戢而餘眾散處湖蕩伺隙出入有恆請馳檄
各屬分兵搜捕未果行天啓三年正月朔城門夜啓賊突入
有恆方正衣冠待漏聞變出立廳事賊露刃脅之不爲動且
叱曰草賊敢叛天子殺王臣耶索印不可強之行不可以刃
傷其長子確亦不顧賊擁之出儀門有恆曰頭可斷此限不
可踰也遂被害血上噴移時不仆主簿徐可行奔赴亦死之
賊入署搜其篋粗葛二端俸金二兩而已賊亦相顧驚歎事
聞贈太僕寺少卿諡忠烈祀鄉賢有恆嘗與鄒元標講學東

黃州府志卷之二十二 忠義上

二十九

林元標推服之子確詳宦蹟

參東林列傳

陳瑜字藍生天啓辛酉舉人性篤孝父歿刻像以祀由閩中教
諭累遷至四川分守道寇犯蜀閱八月外援不至北面稽首
曰臣力竭矣遂殉難蜀人立祠祀之

石礪字用之有信子廩生少負奇姿有勇略崇禎八年賊入黃
州梅城岌岌礪破家貲倡守禦計奉祖崑玉書乞師江西開
府得標卒三百人兼程抵邑甫入城賊騎突至礪率眾登陴
堅守賊負版排列進攻發火毬焚其版明日賊駕雲梯逼城
礪率士卒發礮石弩箭用巨鉤曳其梯焚賊無算賊積尸焚
城下穢烟四塞礪令守者各含醋得不亂相持旬日礪晝夜
巡城給錢米相勞苦婦高氏具橐餽餉眾益奮賊遁城獲

全十年冬賊驟至奪城門礪急令鎔鐵汁沃之賊死門爲鎔
架巨礮貫入賊營炙熱灰和糞以罐拋之賊稍卻明日賊隊
忽繞而南大噪曰城破矣礪曰此其意不在南急趨視西北
則果架長梯攀城上礪令擲飛槍舉前撓鉤法破之賊回營
盛張宴樂礪亦椎牛饗士乘閒發礮殲其魁賊更爲戰慄
城中礪令截竹爲梨花繁長竿刺樓中縱火焚其樓賊遂遁
去城復全未幾以癘卒年四十有四邑人私諡曰端毅著有
怕雲閣集夢餘隨筆等書子喬年詳儒林

參通志

洪光裕字惟顯諸生同石礪捍城屢著勞績礪死力不支城陷
被執罵賊不屈與子圖同死宗人世振年十三爲諸生督學
董其昌甚愛其才城陷亦不屈死

黃州府志卷之二十二 忠義上

三十

余鈞字有甯廩生任判府鳴贊流賊陷蘄州奇其貌欲降之鈞
大罵賊怒殺之闔門皆被害同時諸生洪宇璇亦以罵賊被
賊剖心死

陳欽命字祗若萬厯戊午舉人初授直隸玉田教諭明季多難
莊烈帝詔天下以勤王備兵策欽命對稱旨擢兵馬司副指
揮闖賊陷京城死之

國朝

黃岡縣

汪基遠字星伯順治己丑進士授東鄉知縣黜貪撫良善清
田糧嚴保甲修城興學次第舉行有賊掠殺一家數人掩捕
得守巢窟者實諸獄賊率黨來劫遠與弟基遂急乘陣禦之